

Gunghcwngz:

Gvanhyinh Siujyoz Miz Le Dah Lauxsae Dwzgoz He

恭城观音小学来了个德国女老师

Aen haggeiz neix, Gunghcwngz Yauzcuz Swciyen Gvanhyinh Siujyoz daeuj le dah lauxsae Dwzgoz he, de hauxseng youh gyaue youh sang, bineix ndaej 20 bi, sang miz 1.76 mij, gangj Yinghyij cix raeuzredred, sikhaek gik hwnj gij yinx gyoengq hagseng haengj hagsib.

Ciuq camrox, dah lauxsae neix seng youq Dwzgoz Hanbauj Si, mingzcoh "Aili" dwg de daeuj Cungguk le cij gag an. De bi' gvaq buenq bi laeng gauhcungh bizyez, youq aen guek gyoengqde, gauhcungh daengz dayoz duenh cungqgyang neix, miz bi seizgan he dwg goq sizcenj, iugouz youq guekrog sizciz sizcenj le, cij ndaej hauej aen hagdangz dayoz. Yienghneix Aili couh daeuj daengz Gvanhyinh Siujyoz guh boubxien gozci, son goq Yinghyij 3 nienzgaep daengz 5 nienzgaep.

Aili gunghcoz nyinhcaen fucwz, moix ngonz de cungj daezgonq bwh goq, de hwnjdangz le cungj haengj caeuj gyoengq hagseng guh hudung, hagseng cungj gig lingzlaeux, gij fwnveiz gouzhag cihsiz ndaw hagdangz rimrad. Gyoengq doengzhag boubxou cungj maij dah lauxsae guekrog neix, baez daengz hozdung seiz roengzdangz, gyoengq doengzhag cungj humx youq henz ndang Aili, miz seiz son de diuq Fouxgyong' yauz, mizseiz son de gangj vah Cuengguk, seizneix de gaenq rox sij 300 lai cij Sawgun, rox gangj di Vahgun he, caen dwg hawj vunz baiqfug ha.

(Cwng Ciminj/郑智敏)



▲ Gyoengq hagseng gig maij dah lauxsae guekrog neix, baez roengzdangz cungj humx youq henz ndang de.



▲ Lauxsae guekrog hwnjdangz seiz gig haengj caeuj hagseng guh hudung.



▲ Boudingq dingq dwk meihmwd bae.

► Laeq senjsouj neix gangj gojgaeq sengdoengh yinx vunz.



Ginhsiu: Cunch Siuj Hagseng Doxdax Yienjgangj Caeuq Gangj Gojgaeq

金秀举行中小学生演讲与讲故事比赛

3 nyied 28 hauh, Ginhsiu Yauzcuz Swciyen Donz Yenveij, Yen Vwnzmingzbanh, Yen Sijciban caeuj Yen Gyauyuz Gohgigiz lienzhab guh "cienjgangj gojgaeq yinghleaz Yauzsanh, hungzyangz vwnzva conzdungj youhsiu" yienjgangj caeuj gangj gojgaeq doxdax. Doxdax faen miz cuj siujyoz caeuj cuj cunghyoz, itgunh miz 27 bous senjsouj camgya doxdax.

Mbat hozdung neix doengh bous senjsouj cingsaenz gvaekgvaek, lingzlaeux ndeigyaez, yienjgangj seiz gyoengqde mizseiz gangj dwk gaengq mengx mizseiz gangj dwk simcieg siengsim, niemhngex gij yezciz ronghlwenq gyoengq yinghleaz Yauzsanh, gikfat le gyoengq doengzhag gyaezguek cuji cingsaenz caeuj minzcuz cuji cingsaenz, ndaej hawj boudingq swiq simlingz laeglaeg mbat he, caenh' itboub daezsang minzcuz swahauzganj caeuj saenqsim bonjfaenh.

(Vangz Siufung/黄秀凤)

Beixnuengx Aumwnz Daengz Ningzmingz Guh "Maijyouz Simndei" Giencienz Banghag Hozdung

澳门同胞到宁明开展“爱心之旅”捐资助学活动

4 nyied 15 hauh, Aumwnz Vwnzyenzvei daiqbiujduenz doenghboux simndei haenx daeuj daengz Ningmingz Yen Mingzgyangh Cin Ginzliz Siujyoz guh "maiyouz simndei" giencienz banghag hozdung.

Gyoengqvunz daiqbiujduenz neix yiengq hagdangz hagseng giensoengq daehsaw vwnzgi dauq ndeu, yiengq aen hagdangz neix giensoengq ngaenzcienz sonhag 45000 maenz, giensoengq diyzuz gicaiz gyaqcienz dij 3000 maenz; yiengq 30 bous hagseng maenhndei haenx moix vunz giensoengq ngaenzciengjag 300 maenz; yiengq 30 bous hagseng ndaw ranz gungzhoj haenx moix vunz giensoengq ngaenzbanghag 300 maenz, yiengq 18 bous lauxsae moix vunz soengq hawj ngaenzcamnai 300 maenz.

"Maiyouz simndei" mbat neix itgunh giencienz daih' iek 9 fanh maenz.

(Couh Yizganh/周贻刚 Cwng Cunghswng/郑中生)



▲ Hozdung sat le daihgya hab' ingj louzniemh.

► Gyoengq hagseng fat ndaej daehsaw le angqkwk.

